

皇清文穎續編

皇清文頴續編卷七十六

詩

七言古詩

恭和

御製朱碧山銀槎歌元韻

觀保

明河澹澹連滄溟何人泛槎月在酉巧從觚觿貌  
枅代枅宛銀出自良工手流傳遠紀至元歲無乃黃姑代  
爲守長尺博寸圓合規刻中鄉衡受其口細鐫棘刺

入毫芒欲觀其削存乎否禮經六尊皆有舟義鑒止  
水垂魯叟國工鍛器實寓意虛受寧必旨且有傳聞  
神物當會合西者寅者豈終剖定教雙置研山側飽  
浥墨華酌天酒

恭和

御製過九松山放歌元韻

曹文植

九松根深長孫子至今山得存其名秋巖爽氣放新  
霽低枝小幹亦有觸石冉冉蒼雲生交青隱與碧天

映送響遠作寒濤鳴

鑾輿時邁度山徑但見煙幢芝蓋儼如千重萬重之  
環珠閣與香城九松雖化排風老龍去眼中之而之  
勢已具百尺摩空情

恭和

御製題林逋二札四用蘇軾韻元韻 沈 初

東坡昔題詩後詩

御墨三賢曲院曲於今兩札並時出麝煤猶濕松煙

緣此手不草封禪書莫問泥金與檢玉前人遺翰類  
可寶何況逋仙姿絕俗人間散落知幾時光氣還應  
夜深燭果然拂拭離風塵字裏精神尚完足高人本  
自鴻愛羽勁筆寧同馬畫肉藏之

石渠列上品恰與五詩俱見錄

披賞復觀

新什裁如九成奏韶箏曲愛其人乃重其蹟三管惟  
當書以竹從茲雪裏孤山梅真配霜前彭澤菊

恭和

御製灤陽別墅元韻

劉統勲

烏城停

翠葆日午明秋陽晴波蕩漾動簾箔水亭瀟灑如舟  
航

仙莊咫尺亦仙境塞塵不到蓬壺旁惟

皇卽景廬

宸念萍葉尚見留苔墻高原下澤異地勢

覆幬本是週遐方始和布令敷

慶典一年賦以蠲其常茅簷生計

軫宵旰殷富要俾民間藏藥之陽穀賤畢竟農無傷

恭和

御製儀鎗行元韻

劉統勳

材官矯健聯雲騎虎穴深探手親刺長矛進退捷如  
風毛血續紛豈能避斑斕壓損獻

和門觀者堵牆誇羽衛是則名曰虎鎗手仰見

盛朝嚴武備儀鎗規制如虎鎗學刺何能以虎試  
鑾輿所莅必前驅割肉東方常拜

賜循名責實誦

宸章勉效南山射虎事

恭和

御製過青石梁元韻

申甫

疊嶂崇隆矗晴宇時有流泉逗飛雨嵐光曉洗石梁  
青遙望不知高幾許縈迴曲折路盤盤開鑿漸較前



時寬

翠華臨莅若平地祥烟瑞靄相瀰漫巖畔人家槿籬  
短仙靈窟宅殊荒誕亦有野店依山前帘竿靜拂雲  
容懶

恭和

御製清明元韻

曹仁虎

清明節屆田務興東臯每望如酥雨今年春雪白連  
番赬土翻犁喜無阻聲聲布穀早催耕膏澤豐年占

好語麥苗如毯已放青  
潤固宜田晴亦可

叶

旌門小駐厪

聖懷爲有風聲盛亭午

關心農候更先農  
正值好春一百五行看甘雨  
定隨轅襪蒔茅蒲  
忘作苦

恭和

御製將軍阿桂奏報攻克遜克爾宗詩以誌事元韻

圖敏

雪山萬里普

威稜赫矣

王師行卜克却從後路試全鋒不與彈丸爭寸得桓  
桓貔虎作氣來盡奪礪城破殘賊雲梯石棧縱攀連  
釜底窮鱗復奚匿霧氣迷山曙色昏短兵相持不盈  
尺三軍霧集路爲塞烈火焚山勢無敵摧枯拉朽未  
足云絕迹飛行鳥斯翼計從昨歲往攻堅遜克爾宗  
拒猶力果毅智勇洵超羣犄角分形豈西北功成一

舉獲萬全掃穴犁庭在頃刻運籌決策稟

成謨

寵錫繼勇倍加額佇看鴻提凱歌旋絕徼銘勲

文德

恭和

御製玉鏤八駿歌元韻

申甫

負圖龍馬傳羲皇牽來神竦盾陞郎雄姿逸態八尺  
長驍騰蹀躞咸馴良詎云伯樂有不常名牌一一懸

絨韁前後十駿羅

帝閭於中得八尤上襄玉鏤俾爾壽而臧聲價歛然  
千金償其第一曰萬吉驪乘之安穩視履祥以弓韞  
服矢插房金飈獵獵迎白藏次闔虎駟霹靂驤氣吞  
白額馳風狼蕭梢驤尾爭迴翔驕嘶顧影同昂昂赤  
花滿身疑鳳凰秋鷹颯爽排驚鷹倅閑騶與如意驄  
有騅錦雲天骨張有騶兀若硃砂牀呼之寶吉迪吉  
康猗歟八駿雁作行名駒豈必生同方西晝歲歲貢

瓊英爰琢其章玉其相

幾餘位置翰墨場硯蟾香鴨居中央

旌勞於以示不忘馬癖堪笑武子王渥洼未見來還  
荒固知晉人多疎狂良工心苦力倍獲貞珉奕奕神  
妙彰韋偃韓幹奚足當驚駘紛然徒徬徨那能更爲  
歌慨慷

恭和

御製晴碧亭憶舊元韻

戴衢亨

晴碧亭前萬壑松  
響徹晴霄舞空碧  
此松曾侍

軒皇來中有萬古之

仙宅宅傍巖洞含清幽  
一徑烟蘿上層壁  
溪流如練石如屏  
水色山光似當日

古稀天子純慕心  
六十年來

恩溯昔昔時階下五粒松  
樛枝盡作蒼龍質  
松花松實自年年  
不數征僑駐胎息  
願陳天保頌如松萬載

青青懷

舊德

恭和

御製古松書屋作歌元韻

戴衢亨

山如太古日似年書屋迴出層峯前亭亭松樹儼華  
蓋羞與凡木同比肩畢宏韋偃畫不得白晝疑有風  
雨蒼虬蟠仙之人兮空萬緣谷神往往栖其間下有  
千年琥珀照幽壖上有枯藤百尺倒挂相迴旋此松  
與屋不知孰賓孰爲主巖阿古幹幸遇



天筆傳屋之名也不朽松之際會豈偶焉

恭和

御製題王翬雪江圖元韻

曹文植

四十七年恒若此劭農望歲

聖人旨每逢春及盼雨濡未到冬深祈雪委今年滕  
六尤應節一氣潛通

感召理瑞色方凝鉅砌旁歡聲早動茅檐裏景真如  
畫畫難真神品欣披石谷子古來長江圖不乏綴之

雪景者誰氏宣和御墨寫歸棹後六百年戒對時試  
看萬里之銀濤玉笏參差勢斜迤懸泉遙帶屑霏霏  
亂石都含白齒齒帆色朗如載月舟花光印以登山  
屐層樓傑閣影自寒雲凍松僵風不起直將一片冰  
雪胸生面從教開筆壘豈徒設色抵瓊瑤中寓豐年  
樂田里卽今兩候貢時珍先爲三農兆歲美是圖是  
景恰相逢

睿賞長言良有以西清快讀夜未央猶有灑窓聲在

耳

恭和

御製題蔣廷錫敖漢蓮用圖中張照題句元韻

董誥

琳池日想波生鱗妙手泯絕丹粉痕六十餘載神物  
護色香不化清淨雲霞裾綺袂宛欲語芬陀優鉢宜  
同貯西清退食競題詩禪理獨拈超刻楮是詩是畫  
合兩美

幾餅寄賞

天有喜一從

仙藻俯賡吟碌碌不足數餘子流傳副墨落人間韻  
事堪追侍從年千葉終爲

佛座供謾誇十丈華峯蓮

恭和

御製觀張照草書韓愈石鼓歌長卷作歌元韻

董誥

獵碣作歌自愈始一時籍湜僵且走想當紙貴萬本  
書無非刻畫無鹽醜臣照

國朝書第一

天題不讓換驚手

新文古字

聖集成一一璆琳燕石剖茲卷騰躍應嘉會契帖嗤

傳缸面酒虛舟

王澐號

謹堂

汪由敦號

各摹篆同弄西清慚

畏友希珍更以

神藻彰奎壁光中萬年壽

恭和

御製喜晴元韻

董誥

塞田無待上下酉

楚人謂瀦水溉田爲酉見房陵縣志又陳造有下酉猶濡上酉枯之

句  
降康總在

造物手職車停午火繖張揮汗治畦笠伊糾南畝西  
疇饁餉偕食藟烹葵無好醜今朝空宇望蔚藍日久  
休徵協无咎繁雨茅檐作息忙亦識

堯心慰愜否量晴較雨日循環一區可以例九有崇  
墉比櫛轉瞬觀百室盈寧詎八口維  
皇極建暘雨時洪範之理非難剖

恭和

御製喜晴元韻

初彭齡

日支在卯時值酉天遣雲翳齊束手斜陽落照萬山  
明仰視長空蜺紛紛

德勤

天鑒感斯應舞跳却笑商羊醜  
塞田沃潤蕎蔬宜有裨  
益奚止無咎髯蘇喜雨反所謂名亭作記然乎否  
碧宇如洗雲不生

仙莊佳致羅諸有

長篇記事方琳琅

殷懷弗啻宣之口

微臣

鄙陋學殖荒

奎藻宏深愧莫剖

恭和



御製嘉平十日悅心殿視事後雪中觀冰嬉卽景用  
蘇軾聚星堂詩韻元韻

彭元瑞

足躡雙輪身一葉山楫泥橈試行雪塞雁隨肩半空  
起浮鷺側翅中流絕旌門高高雲直上旗隊行行風  
不折火光迸散素光中紫電青霜互明滅蒼鷹點地  
孰並飛俊鶻摩空疇敢掣三山路遙瓊壘島五色毬  
拋花吐纈眼前惟見白迷離耳後但聽聲騷眉山呼  
倏拜

御牀前自北而南繞一瞥

至尊顧笑心獨喜六花三白農家說蔡池驚鴨卽功  
成蹴以脚跟三寸鐵

恭和

御製千尺雪歌元韻

彭元瑞

白蛇鬱律穿蹊間漸鋪匹練光沄沄流珠走汞噴復  
落冰橋銀笏隨前灣寒山別墅

巡拾級盤山西苑連而及薌其事廣標厥勝

畫成四卷

詩成集瑞稱侔色孰爲真指日東風飾翹塵但取告  
豐積高廩宦光彼亦耕田民

恭和

御製

昭陵石馬歌元韻

文寧

開基都瀋寶祚昌率西走馬卑岐陽

帝御弓矢定海內兩白氣凌千驪驕天生神駿歸

駕馭超羣冀北空其良朝刷燕京暮遼左攻城克敵  
我武揚鬪慄部落衆蛾伏突越松杏雙龍驤馳驅所  
向久無敵

大功迄成神勇彰平時立仗豈足數汗血遺蹟

珠邱旁秋風蕭梢駿尾動天骨硯鋒棱藏漢代鑄  
金漫作式按圖索驥識者傷驪黃以外著奇特險阻  
閱歷疇能忘馬兮馬兮石同壽山靈呵護垂無疆

聖人眷顧凜

創業

乘乾馭六宵肝獲

恭和

御製

昭陵石馬歌元韻

趙秉冲

靈鍾王氣百物昌乾坤翕闢調陰陽房星汁精產神

駿名傳二白曰驕驕

天教下佐

開創業豈與凡馬稱調良得遇

真主神駕馭遂令應運威名揚鼎湖旣成

御龍去二馬先導雲衢驤偉哉爾績不爾負貞珉肖  
爾傳彰彰至今屹立衛

神隧何異當年

御榻旁揚髻簪首神欲動銜枚齧郟聲爲藏燕市鑄  
金奚足數唐家戰蹟多痕傷何如此馬幸遭際屢迴  
天顧情難忘一心成功

百戰日馳驅行地真無疆承平雲錦充閑阜數典  
艱難意益獲

恭和

御製泠然閣歌元韻

黃鉞

長風萬里來海東一峯卓立諸峯中巋然高閣扼其  
頂梯雲霧上超林叢蚪松扶袂作羽翼泠然善也如  
行空人間七十二福地花木秀野田毛豐滄溟下瞰  
一杯水豈有壺嶠誇龕嵒當茲萬物被我澤溥暢大

塊聲何雄寓言弔詭笑禦寇大同六合承  
堯風五弦一揮衆山響大道在我卑崆峒

恭和

御製滄浪嶼歌元韻

戴衢亨

瀑源一滴流滌池塞湖千頃含風漪太古滄浪有如  
此清歌浩渺留今茲溶溶春水鳴頭綠列列寒泉乳  
膏沃涵空孤嶼澹欲無匹練潔迴繞其足迺知達靈  
息自深



淵泉溥博難沿尋出山還似在山好清波詎許潢流  
侵

恭和

御製滄浪嶼歌元韻

周系英

石鳴歲魂紛傑池澄波必汨涵漣漪廣大不測由不  
貳小中見大類若茲終古滄浪終古綠淵泉時出濫  
與沃

聖人本此至誠心知樂仁壽理蘊足濁清闡論鍼砭

深大哉

謨訓供研尋竊願盟心如此水片冰不受點污侵

恭和

御製普陀宗乘之廟瞻禮紀事元韻

戴衢亨

帝出東方億年世飛錫西來化人致經馱白馬告太  
平教被紫濛頌

神智相傳彼法無垠崖傾心

威德兼畏懷玉琯圖呈錫

聖祚金甌地拓窮天涯上塞雲峯獻奇譎刹宇莊嚴  
寶旛掣普陀梵字徵華言宗乘妙旨聞

佛說色身如幻法身傳波旬外道淆真禪慧炬光懸  
息僞妄

寶銚照徹彌中邊隻履飄然恍如晤警毗前因記非  
誤大眾頓增歡喜緣妙覺正應如是住駢田

資予出尚方人天授記臻殊祥萬花頂禮沸香海七  
寶供養高禪牀正法皈依亦

天賜迦羅勝果躋十地護持共仰

調御心示現

特詳希有事

恩賜

御筆畫幅恭紀六十韻

謹序

汪由敦

竊臣以疎賤庸陋遭逢

聖主蒙被

恩顧

栽培教育供職清祕日侍

穆穆之光者於茲二十餘年前後拜

賜

御書

御畫勝額卷軸照古騰今謹一一裱潢標識寶藏世

守茲復

特賜箋幅

御筆親署

臣

名重荷

題識有日夕在公勤慎匪懈之語

褒錫逾分惶汗戰悚伏念

臣叨沐

殊榮至深極厚捐糜頂踵無足仰酬萬一乃以辱羸

趨走末節仰邀

慈鑒形諸筆墨

渲染神工

賚由割愛豈

臣

謏劣所克勝受感極涕隕莫罄名

敬傲宋臣蔡襄謝賜述恩故事率成長句恭紀

隆恩進塵

睿鑒

臣

不任榮戴感激之至

歲赤奮若月黃鍾

靜宜趨直朝墀

宣賜墨寶光吐虹上論書畫昭發蒙重以

題識嘉在公驪珠甘願雙行重署名鄭重驚罕逢兢

惶鞠脛心忤恍春暄被體迴隆冬往復尋繹薰醇醲

六體八法理境同分途造極畛域封惟全於天乃賅

通千秋藝林董思翁鍾張正脈歸戲鴻妙處更逼浩  
與全世人但賞姿妍丰詎識直指提禪宗

天縱神筆探鴻濛

幾餘游藝臨明牕曰泓曰穎左右供

宇宙在手一氣融千鈞迴腕懸中鋒渾厚蕭遠兼春  
容此幀磅礴咫尺中浮嵐隱見江上峯飛流界道疊  
玉淙平林搖籟竹笑風枯樹夭矯柯青銅瘦石介立  
金芙蓉茅亭納爽四柱空宋元大家萃冶鎔真宰自



運

造化工得象外意勞經營

叶

何處尚有筆墨蹤巍巍

聖德健自彊

叶

六幕諧變涵

淵衷

宵衣燕見燭影紅疇咨三接達四聰

惜寸陰邁神禹功羲娥旋斡周圓穹列宿傳舍啓旦

從靈海噓噏開沖融百川奔匯無纖洪涓涓呖澮亦

向東鞭策羸驚追翔龍掣電顧視憐躑躑委蛇退食

絲五總坐數清漏聲琤琬力有不到心無窮敢以執  
事明敬共小草仰被

聖澤濃

奎章前後

寵賚豐

異敷昭示勵匪躬

恩深溟渤崇岱嵩榮逾華袞勒景鐘臨淵集木慎始  
終勗勤服

訓銘心胷至寶傳守琛璧琮來昆世世俾輸忠

虎神鎗歌

謹序

汪由敦

虎神鎗者

聖祖仁皇帝嘗御以殪虎命曰神鎗志異也

皇上行圍所至暫御負之以從猛獸當之無不摧斃  
者今秋岳樂圍中於三百餘步外殪深洞中伏  
虎

御製文紀其事

臣

竊謂鎗固神抑由

智勇天亶用之者神也敬爲之歌

塞垣崿嶭伏虎多壓山壯士排長戈斑斕白額恃牙  
爪獨踞深洞藏巖阿巖阿百尺路徑絕隔谷獵徒來  
指說

聖主前岡正合圍手舉神鎗繞一瞥電掣橫飛星火  
流雷轟直劈蒼崖裂怒吼狂跳強負隅陷腦洞胸俄  
掃穴神鎗奇中此最奇精良胸自

神祖貽軼才狡獸隨所施發無不貫無不糜火攻猛

烈豈輕試除殘去惡理則宜獵場引滿日飛鞚藩部  
萬人爭目送幽陰壓合往輒摧共仰

天威果天縱

揮毫帳殿昭法守續武誥戎邦政重琬戈垂矢典冊  
陳夏鼎商盤謨誥誦寶傳武庫鎮五兵神器善承須  
善用

烏西歌

國梁

溶溶漾漾烏西河峻峻嶒嶒烏西坡烏西之寨烏鬼

多渾渾噩噩嬉陂陀惟河有魚坡有禾網罟火刀紛  
駢羅以飯以食鮮疾瘥銀環椎髻衣青校婦裙不袴  
羣婆娑間飾新妝跳月歌童音清唱長吟哦相悅不  
煩踰牆過嗟彼鄭衛猶淫頗矧茲侏僂奚足訶古卿  
合窾風承訛相仇旋操同室戈化成久道深漸摩會  
看易俗爭濯磨布縷粟米蠲催科力役酬直疇敢苛  
牽挽負戴攜筐籬啖以糲粃笑齒蹉葛懷之民信無  
訛狡獪無如駟猶何數爲所愚懼於羅時時還復相

撫訶公庭一紙驚巢窠焚頂乃敢相摩挲五體投地  
如僧椰蠹胥倚勢恣折劑奸人教唆逞么膺激變或  
致煩太阿競綵要在敷政和以人治人柯伐柯彼生  
苗者志匪他中國

聖人覃恩波嚮風慕義來逶迤郡縣奚止開泮牕

南海神廟銅鼓歌

德保

海神廟貌雄炎方中有銅鼓形昂藏一鼓通圍徑五  
尺一鼓稍殺音相當斑駁陸離土花古雕鐫入細文

縷縷神虬皮，虞肩可憑靈龜作紐目。猶努舊傳征蠻馬，伏波以節步伐聲。平和徵側旣誅徵貳服，此鼓棄置埋蓬科。是誰輦載供神廟，金精不蝕光焜耀。淵淵響徹殿西東，浴日亭高送斜照。武侯昔亦鑄此器，蜀道行軍壯旂幟。南征北伐偉畧同，異代形模出神簪。每當二月祀神期，兩鼓考擊鳴雄雌。龍宮隱隱怒濤作，應律協節騰蛟螭。我因將幣瞻法物，滿面塵埃爲拭拂。模糊篆籀不可讀，朱碧斑斕如錦綉。韓蘇石鼓



名作傳語奇句重垂長篇此鼓爾時尚韜晦品題未  
及良缺然近來好古翁學士爲補粵東金石記遐陬  
遺迹費討尋撫拾舊聞尤詳備無緣作貢歸

天家商盤夏鼎爭光華傳芭考擊佐報賽煙嵐瘴樹  
深周遮

千山

裘曰修

好景無過水與山山出地猶人閒茲山夙聞在天  
上覲面何肯辭躋攀歇馬步入祖越寺羅漢古洞相

連延探幽絕險下復上獅口一線光初穿最高云是  
卧象脊縷縷細路愁獐猿微茫眼底觀遠水島嶼髣  
髴撐如拳樵人拾級更先導嵌空舊剎臨龍泉挂天  
一瀑噴白玉照海千朶開青蓮山僧睢盱揖客坐稜  
稜瘦骨疑癰仙爲言山中五大寺大安中曾栖東陽  
上有仙臺冠諸勝香巖路杳埋雲煙石梁架壑凡巖  
折况又冰雪迷孱顏我言斯遊已過望未敢恣意稽  
輶軒偶因奉

使獲邂逅復有同志來聯翩各以所見詫奇絕強欲  
舉似難爲詮我嘗恭讀

御製句

天情往往超塵寰前云華泰應齊峻後謂且付枯僧  
閒

鑾輿兩幸未果至幾經

念結形詩篇山兮會當邀

玉趾我亦扈

蹕期他年卽今

宸章照天壤名山已藉

詩俱傳山靈聞言似慰意松濤響答聲翛然寒風日  
晚吹我前徐徐理轡迴吟鞭尙餘一事懷抱牽東擬  
奮飛無羽翰從來可望不可卽巍巍長白萬古高於  
天

醫巫閭

裘曰修

式瞻醫巫閭仰讀

御題句百靈紛來朝五丁自呵護赤文綠字高摹攀  
宇宙不虛生此山前日讀

詩山未見今日讀

詩識真面松風浩浩仙境開煙霞入律珠璣排倚天  
拔地卓

天筆俯視下界披

襟懷初狹塵凡限中宏造化胚何人摹寫克到此

層霄落語驚九垓嵒峯側嶺羅嬰孩左顧東海亦一

杯

一詩題處青崔嵬

皇清文頴續編卷七十七

詩

七言古詩

龍門

夢麟

龍門形勝天下奇面嵩俯洛中貫伊呀然兩闕森角  
圭每以風雨爲合離連山欲暝雲封之朱樓突兀青  
峯基松毛石髮相倒垂蒼鱗萬木蟠之而如龍出洞  
半藏霧時露指爪頭角遺西巖石洞鑿者誰斑斑刻

畫紛蛟螭蠻君鬼伯熊羆資前驅虎豹羆與狸或瞠  
目視豐兩頤一鎧孤炯懸琉璃長衣侍者低雙眉如  
笑如慕如深思造福乃復暴民力婦人之見良可嗤  
洞爲魏太后作功德造感此太息一長嘯半空響各巖谷隨畫

船簫管不可期撞鐘伐鼓相娛嬉鏗銅澗底萬霆怒  
山靈恍惚翻雲旗誰分玉鏡澄階墀千珠跳擲紛漣  
漪動蕩牕戶搖縋帷山巔一亭最孤絕攀捫蘿葛中  
忘疲對崖石徑何逶迤花宮雲磴留青飈高秋萬態



簇蒼湄丹樓紫閣青空披山水映帶乃復獲真趣去  
一坐失天然姿始知造物位置得天巧俗手點綴能  
爾爲去年

仙蹕曾駐此顧盼草木周恩私至今

御榻峙行殿夜深神物煩護持我來瞻拜隨鳬鷺欲  
雨不雨天氣迷作歌恐遂驚杲恩矯首北望神先馳

隆興寺大佛歌

并記

朱珪

十七日過正定憩大佛寺銅像高七丈三尺寺

有宋碑僧惠演記畧云鎮州城西舊有大銅佛  
唐時所鑄五代時鑠於契丹周顯德間毀天下  
佛像以鑄錢至太祖開寶二年三月親征晉閏五  
月巡邊駐蹕是州問像之興廢僧可儔對曰像間  
有字遇顯而毀遇宋而興乃命修之掘菜地得銅  
五竈山漂大木至以爲梁柱於龍興寺建鍵凡七  
鑄而成四十二臂具焉曰大悲觀音像時開寶四  
年也乾通元年記其背有紹聖年間葛藜記一篇

西方化人御劫輪上天下地遺厥身高於鬼率細鍼  
芥范金攫土何足論偉哉此佛誰所鑄仰首不見肩  
與脅七十三尺仡嶸嶮四十二臂擎輪囷傳聞有唐  
初冶造鎮壓恒嶽同威神契丹燎原爍金鐵帝柴毀  
像輪算緡火龍飛來吸汾晉黃袍駐馬搜荆榛老僧  
鐫刻符識字曰顯中罷宋再振萬銅裂地夜氣隱千  
木斫山鬼手龜太乙六丁煽鑪炭寶月七鑄雄天人  
飛樓鑿空出偏袒芙蓉十丈敷華茵到今自在閼泡

幻恒水幾見清瀾淪茂陵銅仙久入洛咸陽金人已  
避秦當時戰血猶在眼劍首一吷吹千春我來摩挲  
古碑碣歎此遺跡偶未湮憑欄縱眺極曠莽四遠雪  
海如翻銀秋毫泰山等無極那用絕叫驚蒼旻

謁考亭

朱珪

沙莒合流玉尺西右折左注如抱臍考亭卜築得面  
勢天與靈勝宜巖栖我公道大逕且晦手注聖籍嚴  
端倪兩楹夢奠比曲阜雙峯神降先尤溪此邦遠近

五百里道南前後星聚奎書院賜名理宗筆大德留  
碣熊禾題古桂五株冬更翠黃楊千尺閏不低大賢  
手植擬楷檜層樓眺望周角圭連年使路訪名奧再  
拜遺像摹元磐石城妙高跂黃蔡青洲雲谷遲攀躋  
歸來水閣坐清景源頭活活月滿溪長吟欲罷夜氣  
靜默存待旦鳴天雞

錢武肅王鐵券歌

朱珪

尾

鑒入杭禮咸秩薦香分

命祠錢王湧金門外表忠觀  
鼎孫喜見老侍郎導我  
諦觀古鐵券形模拱壁敲鏗  
鏘乾寧四年賜吳越銘  
功赦死傳無疆有唐末造比  
周赧華離星野爭角芒  
龍蟠天目異人出石鏡旒冕  
搖晶光羅平妖鳥一矢  
殪海甕鯨鯢千弩僵閉門聊  
紀寶正號問鼎不效朱  
李張臣恭君恕善詞令保世  
到俶民無缺歐史蘇碑  
著忠孝長沙河西堪頡頏千  
年片鐵亦何有渭水出

沒更滄桑洪武班封取券式胡藍獄起良弓傷到今  
獨此邀

聖鑒詞雄盤鼎高禹湯摩挲舊器苦才薄尙想錦樹  
歌甘棠

銅鼓歌

朱珪

秩禮登降旋靈旗載觀銅鼓模範奇徑盈五尺圍丈  
五面平空腹蟠蛟夔叩之鏗錡更鞞鞞體恢製古誰  
所遺夸言發聲震十里驚走番舶波羅師矍鑠將軍

手鑄造崢嶸銅柱同鑪錘飛鳶跼空交趾破明珠薏  
苡橫謗疑兩園駝載鎮廟肅雄飛入海留其雌齊諧  
野諺吹一呖丁寧右媵撞已虧誌云元和節度鄭得  
自高守供諸祠到今千載繡堅駁摩挲未到鐘追蠡  
每當夏歊疫癘作移置狴犴禳兇魑神威憑式器求  
舊禹鼎帝鉢靈護持放勲南訛久平秩揚颿鏡海威  
鉦輦馨香升聞神佑順長應鼙奏興甘祁我歌壽汝  
比獵碣魂褫貳負俘三危還淳土鼓歌擊壤底用珍



怪夸荒夷

杏山松山爲

太祖

太宗破明兵地今道經山下敬溯

神謨恭紀長歌一首

英和

平野浩浩復無垠昨夜雪飛沙鍊銀土人猶識舊戰  
壘仰止駿烈何其神勝國精兵數十萬蜂屯蟻聚誇  
雄健

天命授

帝帝曰吁絲爲治夢草除蔓羣策羣力貌與貅一能  
當千無盡劉風雲變色爲叱咤微聞鬼語聲啾啾仁  
人自古說無敵况救其危拯其溺億載皇圖一戰收  
始知

智勇由

天錫牛盡放林馬歸山功成治定歌刀環百餘年來

聖

聖繼天下不復知  
惘惘惘惘不識盡

帝力不顯不承緬

鴻則言尋暉鳳就擒  
時山水清高漠然憶

入崖口隨

駕行圍卽事

英和

無數好山屹相向  
曠如奧如不一狀  
牛毛虎皮誰所  
皴紅樹丹崖畫中望  
崖端百道瀉飛泉  
吹以天風勢  
奇宕豐草有香復  
有脂驚馬長嘶亦  
聲壯橫腰羽箭

催霜蹄風疾沙平試一放天開福地降山靈長楊上  
林盡虛妄

聖人多能本天縱發矢疊雙必精當徒御不驚庖不  
盈諸藩泥首拜

璫帳

九言詩

皇上七旬萬壽恭紀

蔣師爚

皇帝聖神文武冠千古敬

天法

祖勤民德業全溯自神禽朱果祥攸發由來帝武元  
鳥理可等鄂多理城迎有三姓者

曼珠師利永定一尊焉嗣勦大業數世會有數相距  
故城千里又半千

肇祖六傳天遞錫智勇

興京

太祖地益廣幅員趨大蘭岡營列遠有耀戰薩爾汗

捷奏古無前

大清國建遼陽瀋陽後

太宗績暨松山杏山巔深根奕葉一傳我

世祖鳴鑾定鼎萬年都北燕

天以

累朝

列祖肖

天德世錫

放勲

重華主世權惟

大聖人繼

聖能紹述我

仁皇帝以仁溥中邊

世宗繼統

聖作萬物覩

皇上馭宇德新大業堅

至人立極已在毓德始

聖祖特眷憶當問

膳年郁郁嶷嶷一事一惕若怕怡愉愉百行百完然  
類祀

圜丘壇次霞作幄裸入

太廟宗寢角有挺蒿醊燔柴奉禋奠牲幣登聲銷玉  
積誠飭豆饗克順

慈寧康壽孝罔極不時定省溫清矢有虔



心傳遠索千聖百王統

磨製直剏三墳五典箋濂洛關閩義蘊無窮盡危微  
精一力任有仔肩仰承赫赫明明

天

祖貺長稟兢兢業業聖賢詮有時垂裳亦復銘几杖  
但使抱蜀原不待蹄筌一日二日萬幾心最肅五行  
五事八政疇所先時暘若雨兩間輸寶道挈壺刻漏  
諸職協璣璿萬祀繼

天光宅涵九有庶務緣督爲經法

大園正德利用厚生功唯敘羞行錫福作威道無偏  
鵷班有守有爲斯並進虎旅懋官懋賞以次遷故事  
量材無事仿山樂引年錫爵亦不遺彭篴爲飭羣臣  
先是大臣始所察流內并及流外員從來吏治祇緣  
黎庶課况復民生常荷

聖人憐阿耨達池河源浩萬里樂陽鴻溝官渡漑億

阡

錫元閣部乘鵠功初度順黃風伯合龍土以填驛停  
鑾輅寬旌籌勉勉渠命鱗居雁戶濬涓涓比屋沿壩  
仍復耕且鑿

深仁厚澤並連澗與瀍自此新隄以築舊隄葺何有  
土處而病木處顛村擁人烟雞豚間隊隊陰濃春雨  
桑柘暖仟仟徒誇湛玉拳菱嗤漢帝會詠浮槎種麥  
續坡仙堯民作息自多

堯福壽禹甸

巡幸何啻禹胝胼錢鏐海塘初始自雄偉脫歡木櫃  
支拄祇安便

一人時邁其邦到浙土兆姓縱觀以樂在瀛壖秋浪  
柴供四監收且斲金剛石豎萬古永不鐫本緣雲罕  
霓幃施雨露豈但赤蛟朱雁入袍絃夏諺一遊一豫  
箴爲度周雅令聞令望賦有卷偶遇偏災薄胥在測  
邑輒已令甲巽申遍街廛振躋時萬時億

恩必溥免賦至再至三利悉捐神倉不吝紅鮮白粲

粟太府還頒半兩五銖錢茅檐部屋遍霑

帝所卹麟符豸節羣凜寶唯賢于蕃于宣才始膺國  
柱唯供唯正產不貴淮蠙衛鳳封泥日已

訓恭儉焚裘提烏未足光簡編是葢寡欲清心勵百  
爾原以寧人息事示八埏

德化矧又東漸并西被

威教已及康居與先零大者來王小亦臣且服萬不  
得已一用鑄與弦魚麗箕張堂堂還正正陸誓水標

蕩蕩復平平烏弋黃支諸部久心怙白題赤坂相率  
如拊髀疾旆如風頓已埽竹籜洗兵有雨并不賦蝟  
蝟連連俘獲波及旗鼓鐸藉藉斗量谷滿駿羔健師  
度榆關柳關奏盧筦塞傳龍節虎節淨狼烟極瀚海  
西月窟歸疆索幸光天下星弧在掌拳遂臣棘寄而  
外不臣國用屯漢唐以來未屯田胡然金川蠡蠹魚  
在釜尚復石樓言言蝟恃涎仍以鳥隼龍衝前往耳  
任彼蝟鋒螳斧聚殲旃桓桓雷電六丁斬妖孽肅肅

風雲八陣寫丹鉛格是諸葛巾扇裕威武安有刑天  
干戚舞緝繇其餘屬國同文同倫軌相率舊藩以居  
以食眠儀制不留其臣不留贅風聲何間於嶺何間  
川土爾扈特昔曾阻羅剎汗渥巴錫今亦

覲伊綿

天語自通萬幾千里譯

皇恩還錫十有二閑駟禮畢三駟

賜服綵藻煥筵開九日分茶紫筍鮮緣是韋韞毳幕

日翹首遞及馬鳴龍樹願執鞭

化到極樂國人慕震旦

親有菩提尊者入居延南極老人星見秋未老西土  
傳世佛來壽并傳迦葉嫡支三藏貝多葉淨禪上乘  
一指解脫禪西王母圖益地獻齊等南掌國貢納賁  
賁藩駢遠畧已見印度現瓔珞

文德不數階羽舞翩躚詩賅風雅漢魏三唐秘筆在  
宮牆美富萬仞懸雲漢章天爛如文炳日江河緯地



浩若風湧泉固

天縱以生民曾未有自

聖處之與古曰爲緣前漢孝武寫官策旣建有明文  
淵書錄解待研

皇王維辟三古典畢舉

聖人有作四庫舊復還功繼纂修刪定日當午部分  
經史子集星就躔

三希垂法典午法盡得大觀無色淳化色亦薦摹古

入神露垂雲布列隨機得趣龍翔鳳騰騫有筆有墨  
畫直超荆浩神品逸品妙何數黃荃凡此熙載

楓宸天浩浩總緣善世

龍德曰乾乾

祖功

宗德一統善繼述民安物阜萬化仰陶甄

廟堂左右文彬武赫濯天地中間海晏河清漣用敷

有極于民

皇有極爲秉如天之

德福如天况逢流虹遶電頌

軒轅豈待綏桃鍾李慕羨佺受賀

殿廷山龍儀式玉筯庥宇宙膏醴瑞聯蟬奎宰克享

天心受

天命衢尊亦爲壽域做壽筵兆姓獻詞祝

嘏咸恐後八紘張樂頌壽罔有愆光華復旦永永

萬壽節願效嵩呼華祝進詩篇

臨雍講學詩

吳璥

皇帝膺圖御寓五十載崇儒重道懋典輝垓埏仲春  
上丁大昕

親視學釋奠

先師禮成

經帷懸於樂辟雍煌煌垂鉅制溯始詩之大雅靈臺  
篇

特命師氏保氏考掌故迺

召太常宗伯稽陳編辨方庀材通奏將作技書等饗  
工

詔發水衡錢維堂在中水更周於外楨枅梓構宇  
與疏椽如翬斯飛兮如鳥斯革度室以几兮度堂以  
筵繙井疏渠檻泉漾盛沸馳波跳沫中沚流漪漣橋  
門四達辰居衆星共東西南北旋轉如環連鉅工落  
成中外咸抃慶懋儀肇修庠黌瞻

寅虔鐘師笙師磬師職歌奏醢人醢人鹽人掌釃

百羞百醬鼎俎備品物六彝六齋簠簋供吉蠲齊齊  
皇皇

天容嚴祇敬陰陰濟濟臣鄰肅班聯

至誠昭格千載符契合

大聖端拱三春典儀駢肇裡迄用有成告事畢

法駕爰詣講堂謨誥宣

生知敏求小心恒翼翼

典學致治王道何平平耕之種之耨之稟

訓命如絲如綸如綵欽

陶甄窮源汭流百川注大海微顯闡幽旭日麗中天  
堯舜禹湯文武紹邇治易象詩書禮樂挾真詮

詔爾臣工義蘊廣探索

詔爾多士奧頤勤鑽研

聖王至教

君道兼師道天下同文希聖與希賢維茲

至聖之裔膺顯爵析圭剖符奕世

上賞延四氏襲職大典襄揖讓千里乘輶

渥賜霑駢闐交戶交階虎闐駿奔走旅進旅退鵷行  
偕周旋

湛恩延洪日月臨溥徧

闔澤覃敷雨露濡新妍進講之臣司服錫絲組侍從  
之臣內饗羅肥鮮一爵二爵三爵醉飽旣以雅以南  
以籥鏗鏘然蓼蕭零露雅奏咏湛湛含哺鼓腹經笥  
歌便便譽髦斯士肆有德有造入學鼓篋晨夕鋪書



壇養國子樂德樂語樂舞稽功緒五年七年九年讀  
古人書蟻術伸佔畢近

天子光鵠立騫騰翮頒金之

詔槐市甫于橐增額之

命棘闈思競鞭僇休兜離萬方集

闕下梯岑航海奔趨偕爭先重洋徼塞輸誠以納責  
陪臣子弟挾策而操絃懷鉛握槩幸綴官屬後瞻  
雲就

日環侍宮牆前

聲教暨訖車書大一統含生負氣

視如赤子焉凡此

榮光照認調玉燭

恩波汪濊溥博而淵泉內則九職九兩守耕鑒外則  
八絃八極粲梁饌大哉

聖王超越萬萬古

曼齡篤慶嚮離以乘乾惟吾

皇聰作謀睿作聖惟吾民宅爾宅佃爾田丹竇白環  
雜還煥宸極德星喬雲歲蕤駢珠躔

萬年泰筴

宸懷矢亶亶

五世天潢禔福欣繇繇

丹詔十行喬皇宣綸閣蒼生億姓歡抃歌郇廛

壽世壽民肆筵而啟宴國老庶老薦脯而烹鱣蒲服

嶠嶠耆年豫嘉會

堯階鏘鏘廣歌舒長箋於時

文治光昌徵大備

四閣之書璀璨紛丹鉛經部史部子部兼集部

文源

文津

文溯首

文淵別其色標以青赤白黑紀其數積以三萬六千

聖心嗜學更遣興學茂

宸躬斂福彌使錫福全祝

聖人多富多男多壽頌天保如山如阜如川長此  
壽臧昌熾垂無極萬有千歲擊壤歡聲傳